

BIH

"INFORADAR"

## Tužiocu Hukeljiću ponuđeno dva miliona KM da iz optužnice za respiratore izostavi Novalića!

Prije 4h

[Like](#) [Share](#) 786 people like this. Be the first of your friends.[f SHARE](#)[TWEET](#)[p SHARE](#)[EMAIL](#)[KOMENTARI](#)

Prema dva nezavisna izvora bliska istrazi, Novalić je u kriminalnoj nabavci 100 neupotrebljivih respiratora, koji su plaćeni 10,5 miliona KM, bio tek jedan od posrednika

Prije dvadesetak dana Mirzi Hukeljiću, jednom od dvojice državnih tužilaca koji vode istragu u predmetu respiratori, ponuđeno je dva miliona maraka kako bi iz optužnice koja se očekuje izostavio federalnog premijera Fadila Novalića!

Ova informacija **Inforadaru** je ekskluzivno potvrđena iz izvora bliskih administraciji Američke ambasade u BiH.

Prema istim izvorima, nakon što je dobio ponudu koja je sama po sebi dovoljna za novu optužnicu, Hukeljić je zbog nepovjerenja u državne institucije koje su pod političkom kontrolom SDA, HDZ i SNSD-a, o svemu odmah obavijestio Američku ambasadu, o čemu je napravljen i zapisnik.



Cijeli spis potom je proslijeđen odgovarajućim službama u Sjedinjenim Američkim Državama jer je riječ o do sada nezapamćenom slučaju političke korupcije i pokušaja mita prema predstavniku državnog pravosuđa.

**Inforadar** je u proteklih nekoliko dana u više navrata pokušao da stupi u kontakt sa tužiocem Hukeljčićem, na kraju nam je iz njegovog kabineta poručeno da mu se obratimo mailom, što smo u tri navrata i učinili, posljednji put sinoć. Međutim, on je, nesumnjivo zbog velikog pritiska pod kojim radi, odlučio da ignorira sve naše pokušaje.

Pitanja smo uputili i Ambasadi SAD-a u BiH sa molbom da nam, ukoliko je to moguće, potvrde istinitost ove informacije, koju iz Ambasade nisu negirali. Iz Ureda za odnose s javnošću dobili smo slijedeći odgovor:

„Bosni i Hercegovini su potrebni nezavisni, odgovorni suci i tužitelji koji se pridržavaju najviših profesionalnih standarda, kao i političko vodstvo opredijeljeno za stvaranje uvjeta za rad ovih institucija, umjesto da pokušava utjecati na njih ili ih kontrolirati. Sjedinjene Države su i dalje posvećene pružanju podrške stvaranju uvjeta u kojima odgovorni, profesionalni pravosudni sektor može funkcionisati nezavisno od političkog utjecaja“, odgovorili su iz Ureda za odnose s javnošću Američke ambasade u BiH, uz napomenu da oni ne mogu da odgovaraju na hipotetička pitanja.



Prema dva nezavisna izvora bliska istrazi, Novalić je u kriminalnoj nabavci 100 neupotrebljivih respiratora, koji su plaćeni 10,5 miliona KM, bio tek jedan od posrednika, a čitava operacija je osmišljena u samom vrhu SDA od strane pojedinaca kojima za sada, zbog interesa istrage, nećemo otkrivati imena.

Tek je bitno podsjetiti da je od strane SDA, predsjednika ove stranke Bakira Izetbegovića i predstavnika boračkih udruženja bliskih vrhu stranke, izvršen veliki pritisak na Tužilaštvo i Sud BiH da se osumnjičena trojka (Fadil Novalić, Fikret Hodžić i Fahrudin Solak) pusti iz pritvora i brani sa slobode zbog bojazni da bi neko od njih mogao da progovori, odnosno, da bi istraga mogla da bude usmjerena „u neželjenom pravcu“.

Ono što je također izvjesno jeste da će optužnica biti proširena još nekim imenima, jer su mnogi bili upetljani a i upoznati s kriminalnom operacijom.

Prema istim izvorima, sve naloge za nabavke je davala HDZ-ova ministrica finansija Jelka Miličević, a u konkretnom slučaju je od Dragana Čovića dobila zadatak da za protuuslugu isposluje što više novca za kantone pod kontrolom HDZ-a BiH od dobijenih sredstava (kredita) MMF-a. To je bio kompromis, objavio je **Inforadar**.



VEZANI TEKST Kome su državne institucije isplaćivale stimulacije u vrijeme korone



## Čeda Jovanović zaplakao pred kamerom (VIDEO)

### KOMENTARI

2 komentara

Poredaj po: [Vrh](#)

Dodaj komentar

**Vildana Zunic**

Gospodo glasaci SDA opet glasajte za njih. opljackase sve živo, sto pripada vama, zataskavaju ubistva, sudionici u ubistvima koja nikada nisu razrijesena pa vi opet glasajte za iste

Sviđa mi se · Odgovori · 1h

**Midhat Ducanovic**

Drzi se ti austrije mani SDA kad pojma nemas koje sve glavni i koje sve potpisio

Sviđa mi se · Odgovori · 1h

**Miralem Atic**

Jelka Milicevic je glavna i najodgovornija osoba i za lajika u pravu .

1.ona je predsednik kriznog staba

2.ministar finabsija ona potpisuje naloge za isplatu

3. Ona je cak i pokusala da posle toga izvrsi nalog hdz.a i covica da 22 miliona podijeli u kantone sa hdz vlastima.

A nije sporno ni ucesce sda ni drugim akterima ali kakav je glavni tuzioc i predsednik VTSV a

Sviđa mi se · Odgovori · 3h

**Dušan Zorić**

Predsjednik VTSV je potkovan nemojte njega

Sviđa mi se · Odgovori · 19 mil.

Plugin za Facebook komentare

Autor: Almedin Šišić (inforadar.ba)

#Fadil Novalić

#izdvojeno

#u fokusu

#respiratori